

Tuesday, March 31, 2026

Time - 2:30pm - 2:35pm

**AKASHVANI AIZAWL
REGIONAL NEWS UNIT**

**REGIONAL NEWS BULLETIN
(MIDDAY)**



CHAMPHAI NARCO

Kumin February leh March thla chhung khan Champhai district Police te'n ruihhlo kaihhnawihah thubuai 15 ziaak lutin mi 24 an man.

Champhai District Level Narco Coordination Centre (NCORD) Committee chu nimin khan Champhai district bawrhsap Pu Mohammad Aaquib kaihhruaiin DC Conference Hall, Keifangtlangah an thukhawm a. He ta an tarlan dan chuan kumin February leh March thla chhung khan Champhai district Police-te chuan Narcotic Drugs & Psychotropic Substances Act, 1985 tlawhchhanin thubuai 15 an ziaak lut a, thubuai ziahluh hnuaiah hian mi 24 an man bawk a. He mi thla hnih chhung hian heroin kg 1 leh gram 367, methamphetamine kg 38 leh gram 886, crystal meth kg 10 leh gram 529 bakah ruihhlo phurh na'na hman lirthei ke li nei pathum leh lirthei ke pahnih nei pathum man a nih bawk thu an tarlang. Champhai district Excise & Narcotics hnathawkte chuan March chhung an hmaklakna tarlangin ND&PS Act, 1985 hnuaiah thubuai 5 ziaak lutin mi 2 an man a. Heroin gram 373 chuang leh Methamphetamine kg 7 gram 900 an man a. Assam Rifles in March thla chhungin ram dang atanga dan lova cigarette lakluh bawm 1,003 leh Methamphetamine kg 7 leh gram 907 an man bawk a ni.

Thutkhawm kaihruiatu Pu Mohammad Aaquib chuan thutkhawm chhan sawiin Champhai District chhunga ruihhlo dona kawngah, sawrkar thuneitute leh tlawmngai pawl hrang hrang te inkara thawhhona tha tak a awm thin chu lawmawm a tih thu leh chhunzawm zel tul a tih thu a sawi. Champhai district SP Pu Lokeshwaran-R, chuan an thurelte sawifiah-in ruihhlo tawlh leh hman suauna a pung nasa hle a ni, a ti a. District NCORD member te chu ruihhlo dona kawngah theihtawp chhuah awmze nei zawk leh mumal zawka khuahkhirh anih theihna tura ngaihtuahna seng zel turin a chah a ni.

He inkhawmah hian line department hrang hrangte hnen atangin ruihhlo dona kawng an hmalakna leh hma chhawp hrang hrangte te ngaihthlak a ni bawk.



CLEANLINESS

Vawiin khan Lawngtlai Area, Thalai Kristian Pawl (TKP) Coordination hnuaiia Unit TKP hrang hrangte'n Lawngtlai Area TKP Coordination Committee thurel bawhzuiin mahni veng leh khua theuhah Faina hnatlang an thawk.

Faina hnatlangah hian Unit hrang hrangte'n sidedrain tihfai, tuikhur hnar leh a vel tihfai, bawhlhlahw chharfai leh tuldang pawimawh hrang hrangte an thawk a. Lawngtlai khawpui chhungah chuan LADC Sanitation Department ten Bawhlhlahw paihna motor thawhin hmun hrang hranga bawhlhlahwhte a paihna hmun ruahmanah an paih.

Lawngtlai Area TKP Coordination Committee hnuaiiah hian Pastor Bial 20-ah Unit 92 awmin member 9127 an awm mek a. Lawngtlai District bakah Siaha leh Lunglei District khaw thenkhat pawh Lawngtlai Area TKP hian a huam tel bawk a ni.



CIVIC POLLS

Nimin khan District Election Officer leh District Municipal Election Officer, Aizawl district ni bawk Pu Lalhriatpuia kaihhruaina hnuaiiah April ni 21-a Aizawl Municipal Corporation (AMC) inthlanpuia Election official tur ruat-te an thukhawm.

Municipal Returning Officers (MROs), Assistant Municipal Returning Officers (AMROs) leh Nodal Officers (NOs) te kalkhawm hian AMC inthlan lo awm tur atana an inpuahchah dan DC Office Pisapui Hall-ah an thlirho a. He tah hian official te hian an mawhphurhna zawn theuhva an hmalak tawhna leh hmachhawp awm te report an pe a. Inhnudawh theihna hun tawpah candidate inhnukdawk an awm loh thu leh Independent Candidate an awm lo thu report-ah hian tarlan a ni. AMC inthlan turah hian INC, MNF leh ZPM te chuan Ward 19-ah candidate an nei vek a, BJP erawh chuan Ward 11-ah candidate an nei thung. Candidate te hi an vaiin 68, hmeichhia- 27 leh mipa- 41 an awm a. Ward 6 - Ward – 2-na, 4-na, 5-na, 11-na, 12-na leh 17-na te hi hmeichhe puala hauh bik leh mipa candidate din ve theih lohna a ni.

Tun tum AMC inthlanna a hman tur Final Electoral Roll a vote nei thei awm zat chu nuai 2, sing 3, sang 9 leh 989 niin, vote nei hi hmeichhia nuai 1, sing 2, sang 9 leh 656 leh Mipa nuai 1, sing 1 leh 333 an awm. Mipa aiin hmeichh vote nei hi 19,323 in an tam. Vote nei tamna ber chu Ward 18-na niin, vote nei mi 18,906 an awm a. A tlemna ber chu Ward 8-na niin, vote nei mi 7,975 an awm thung.

AMC inthlanna tura mahni in luma vote thlak dil theite chu kum 85 leh a chunglam, Damlo chak lo, natna khirh neih avang leh pianphunga rualban loh avanga polling station a vote thlak thei lote an ni a. In lama vote thlak duhte chuan mahni emaw an chhungte emawin mahni Bialtu BLO te hnenah April ni 6 (Thawhtanni) tlai dar 5:00 rik hmain hriattir tur a ni

